

Svar

**heilbrigðisráðherra við fyrirspurn frá Guðmundi Inga Kristinssyni
um fjölda þeirra sem hafa hreyfihömlunarmat
og fjölda þeirra sem nota hjálpartæki.**

1. *Liggja fyrir upplýsingar hjá Sjúkratryggingum Íslands og Tryggingastofnun um fjölda hreyfihamlaðra hér á landi?*

Upplýsingar um fjölda hreyfihamlaðra liggja fyrir hjá Tryggingastofnun. Tölurnar byggjast á fjölda þeirra sem eru með hreyfihömlunarmat. Sjá svar við 2. tölul.

2. *Hversu margir voru með svokallað hreyfihömlunarmat í lok árs 2017 og 2018?*

Í töflu hér á eftir kemur fram fjöldi þeirra sem voru með hreyfihömlunarmat í árslok 2017 og 2018.

Fjöldi með hreyfihömlunarmat	Alls	Par af undir 18 ára
Lok árs 2017	8.283	166
Lok árs 2018	8.645	164

3. *Hversu margir einstaklingar hafa fengið hjólastól (raf- og handknúna), göngugrind eða hækjur úthlutað af Sjúkratryggingum Íslands árin 2017 og 2018?*

Hjá Hjálpartækjamíðstöð Sjúkratrygginga Íslands fengust upplýsingar um fjölda úthlut- aðra hjálpartækja þau ár sem um er spurt. Hins vegar eru ekki fyrirliggjandi tölur um fjöldu einstaklinga sem fengu tækin en ætla má að fjöldi þeirra sé svipaður og nemur fjöldu úthlut- aðra tækja.

Hjálpartæki	2017	2018
Handknúnir hjólastólar	1.361	1.377
Rafknúnir hjólastólar	127	163
Göngugrindur	2.143	1.919
Hækjur	87	109